

開放文學 – 推理探案 – 警富新書

第一回 凌貴興妄想功名 馬半仙細談風水

昔先儒朱晦庵詩云：「閒來無事不從容，睡覺東窗日已紅。萬物靜觀皆自得，四時佳興與人同。道通天地有形外，思入風雲變態中。富貴不淫貧賤樂，男兒到此是英雄。」此詩言吾儒胸中自有真樂，何須爵祿榮身？試看昔年有個富家學者，急於功名不肯自安其分，後來生出一段荊棘事故，觸怒天顏。看官未曉得，聽我始末言來。話說雍正年間，粵東番禺縣譚村梁姓朝大、凌姓宗客二人，素有戚眷，（暗著下文）合伙經營。人稱為莫逆之交，同在南雄府售賣綾羅綢匹，店名「廣源」。當日義堪取信，自然和好生財。年邁各自歸家。遂傳下朝大之子天來宰理。越數月宗客病故，朝大相繼而亡（了卻二人，筆法簡略），天來為人至孝，念母在堂，不忍遠別家鄉，圖此微利，頓忘膝下之歡。是年在省城第八甫自創一間糖房生理，店號「天和」。一日往見宗客之子貴興，言：「令先君去年去世，我等為甥之道，未能稍盡分毛甥舅之情，於今耿耿。（申朗上文戚眷）至如南雄生理，表兄劣手無能，湊著行情冷淡。正聽調：雞肋生理，宜速退辭。」貴興曰：「表兄所見高明，惟命是聽。」天來遂攜他至廣源店，將各項貨物頂與別人。惟是尚存玉石花盆二□四個，花梨木椅桌二□四張，並未有人承頂。二人共議，估價論高者承，天來估銀百零五兩，貴興投不滿百，因此天來承受。其後貴興悔曰：「表弟照價而承，另補花紅五兩，送此盆桌與我，（說出還字，可見其人心有嫉妒）未審均意若何？」天來答曰：「桌爐尚帶松株，花盆已有破裂，不足以供賢表之用。如無，回省別置更覺鮮新。」當時貴興心雖懊惱，未必仇，因此結事從何來？（將起下文）

緣雍正四年，（緊接上文，入題得法）丙午鄉試。朝廷命正主考王、副主考李分發粵東取士。時貴興家有萬貫粟陳，新捐國學，潛修孔孟之書，豈意連科下第，不遂所求。乃托翰林院陳某生，往中途拜會，以疏關節。能取中五經魁者，許銀二萬兩，文魁者，一萬三千兩。王公觀面難卻，信口順承。陳某以為然，口報貴興。貴興不勝欣喜。至八月初八日進場，□府生員魚貫累累，九州士子雀躍紛紛。正是：

不慮龍門頭上點，
已尋雲路足跟生。

既滿三場。王公搜閱貴興課藝。只見八股將通，（二字新極，妙極）卷字尚多出格廢卷。歎曰：「今日原奉欽命求賢，非為朝廷獲利。如此潦草塞責，當在孫山之外，安可妄中其人？」迨至九月初八，龍日放榜。貴興以為必中，親赴榜亭。從始至末細看幾回，競不見榜中有河間者。（凌姓郡名）不覺頓足長嗟，趕回三德店中。（店在板巷巷內，貴興自創）正是心如芒刺，氣可衝冠。族叔宗孔為人詭倭，從旁叫聲：「姪老爹（好個稱呼，自古以來未聞有此名目）有此文字尚不中試，若非主考瞎眼？必是風水使然。（風水二字一篇主腦）古云：命運先風水，陰陽後讀書。五者缺一，難以取功名也。」貴興曰：「若論命，府君遺下七星伴月（諺云一鸞黃金七鸞銀為七星伴月）衣祿，豈不如人運？何則喜神到限，產下兒子，應科流年，未足為乘。（產子便要中試則天下之人皆可中試矣。可發一歎）風水雖屬渺茫，然府君在生所有作灶安神，必開羅盤，以定方位，即修渠小故細選曆書，堪輿未嘗不究四者陰陽，反心自問：雖無功降及人，然而叔父貧難，何曾漠然不顧在？五者讀書，非敢自謂超群。鄉中會課，恒列五名。周李二人咸常拜服。（所拜者星月耳）五者尚賴何哉？」那宗孔眉頭暗皺，眼角偷頻，低聲勸解曰：「五者之中，風水未嘗無礙。何也？吾恐陽宅有餘而陰宅不足，且未可知。（小人伎倆慣用如此抑揚）貴興曰：「叔父所言有理。奈何今日堪輿不過指東指西，賣弄江詞，以圖餬口之計。豈有真眼可以轉禍為祥？」

宗孔拍案大叫曰：「如今正有其人，係江西省，姓馬，號『半仙』，渾名『鑽穿石』，（天來石室幾乎被他鑽穿。）凡一切生衰絕旺可以前知，惟無時可服。若不登山便往人家相宅，何不叫來一看，試他眼力何如？」（試出好大事來）貴興曰：「既如此，敢煩叔父一往。」宗孔領命，走至馬鞍街，求請「半仙」。那「半仙」推辭說：「本日不能如命，緣要下鄉定向。（如果無時可服，今之醫生亦多類是）不嫌鄙見，明日可來。」宗孔曰：「先生不可釋他明日。我今攜先生並到譚村。不消兩日，敬酬步金五兩。」「半仙」聽得此言，欣然應允。即隨宗孔到三德店。

貴興一見大喜，僱舟偕「半仙」回鄉。甫到家，貴興舉陽宅與他看。「半仙」看畢謂貴興曰：「細看尊府，前後懼高，中間低陷，名貓兒伸懶之局。行門放水，極合其宜，原興隆發甲之家，丁財並旺之府。」貴興曰：「尚望指教，何須過譽？」再攜他往看山墳。「半仙」論曰：「凡風水，首以理氣為主，次及巒頭。若只說青龍白虎，何足道哉。如天有一星，地有一穴，無不歷歷。詳言天之精靈，結成日月星辰；地之秀氣，變就江河山嶽。所謂：在天成象，在地成形。輕清之氣無形，垂濁之氣有跡。概而言之：天有五星金木水火土；地有五嶽恒衡太華嵩。東方甲乙木按東嶽泰山；西方庚金按西嶽華山；南方丙丁火按兩嶽衡山；北方壬癸水按北嶽恒山，中央戊己土按中嶽嵩山。岳岳有生，山山有克。克不可生，生不可克。克處逢生，生處逢克。克極有生，生極有克。相剋相生，相生相剋。克克生生，生生剋克。生剋克生，克生生剋。能辨此理，其庶幾乎？」

貴興曰：「敢問山勢何以為龍？」「半仙」曰：「龍之為龍，豈有龍形可探？緣為氣勢變化無窮，如龍一體。龍能大能小，能升能隱。大則騰雲致雨，小則隱界藏形；升則飛騰於宇宙之間，隱則潛伏於波濤之內。即此一穴，便是龍盤。東邊文筆既顯，西邊催官亦猛。玄武高聳，朱雀坦平，四圍革固，八將歸堂。來龍來得極速，結穴就在這裡。應有一名探花，三名進士。」

貴興聞言，不勝之喜。曰：「既如此，如何屢敗棘圍？」「半仙」歎曰：「所恨前石室，室位居犯煞，最宜平坦，不合高巍。（千古恨事全在此數語）未曉何人之室？」貴興曰：「此僕之表兄梁天來之居也。」「半仙」曰：「有此懿親，最易圖謀。願足下不惜千金，與他求購。（五兩步金兌足還想三分經紀）竊思國朝開創以來，貴省儒林未有列入三本者。（狀元、榜眼、探花稱為三本）苟能初破天荒，便能流芳百世，誠為巨族光寵矣！佳城之美，惟足下圖之。」（前已牽火，後再加油）貴興深服其論，欣然送過步金餘惠，自不必言。「半仙」再三辭謝，登舟而返。

斯時貴興正欲邀取功名，以暢其志。奈此石室係天來世居，如何使他變賣？正沉吟間，宗孔厲聲告曰：「姪老爹不消籌策。吾有一計，易如反掌。憑三寸不爛之舌，往說天來，能變此室為我家物業，任意更移。」未知此意如何，且看下回分解。